

IODOCVS NECKER ABBAS IN SALEM.



Iodocus ille Anno 1482 in Suevia natus & etiam educatus est. Is felicissimo ingenio praeditus literis operâ dedit, & prima artium fundamēta in Germania iecit. Cum autē eo tempore Parisiensis schola esset celeberrima, eō profectus philosophiæ & Theologiæ diligenter incubuit, & magnam in ijs eruditionem acquisiuit. Hoc modo literis instrutus domum rediit, & pietatis amore Bernhardinorū ordinem in Salem monasterio (quod & Salmanschuuiler dicitur) suscepit. Ibi cum summa modestia uiueret, anno 1517 uicesimus eius loci Abbas eligitur. In eo loco literas quantum fieri potuit promouit, & tādem anno ætatis 47, salutis uero nostræ

1565 obiit, atq; magnam uirtutis opinionem ibidem de se reliquit. Ibi etiam honorifice iuxta cæmiterij ambulacrum sepultus quiescit. id quod Anno 1565 eo in loco, dum per Germaniam rerum inquirendarum gratia peregrinarer, dili- genter obseruaui. Anon.